



ҚУАТТЫ АРМИЯ – СЕНІМДІ ТІРЕК

Мемлекет басшысы Қасым-Жомарт Тоқаевтың қатысуымен Бүкілармиялық кеңес өтті. Алдымен Қарулы Күштердің Жоғарғы Бас қолбасшысына әскери қызметшілердің бірыңғай киім үлгісі таныстырылды. Бұдан соң Президент Қарулы Күштеріміз мемлекеттігіміздің мызғымас тірегі, туған елдің тәуелсіздігін және бейбіт өмірін қорғау қасиетті парыз екенін атап өтті.

— Туған жердің аумақтық тұтастығын сақтау — кастерлі борыш. Батыр бабаларымыз ғасырлар бойы жерінің шетін жауға бастырмай, бізге мирас етті. Осы ұлы мұраны көздің қарашығындай сақтау — басты міндетіміз. Біртұтас әрі қуатты мемлекетті ұрпаққа табыстау — негізгі мақсатымыз. Ел іші тыныш, қоғам тұрақты болса, жасампаз әрі өркениетті мемлекетке айналамыз. Яғни, дамыған ел боламыз десек, ең алдымен бейбітшілік және тыныштық керек. Қарулы Күштеріміз осы кастерлі құндылықтарды қорғауға тиіс, — деді Мемлекет басшысы.

Президент бүгінде заманның күнде құбылып жатқанына және әлемде жаппай қарулану белең алғанына назар аударды. Қазіргі күрделі кезеңде Армияның рөлі күшейе түсті. Әскер егемендігімізді қорғауға әрдайым дайын болуы қажет. Оның кәсіби дайындығы, заманауи қару-жарақпен, озық технологиямен жабдықталуы басты факторға айналды.

Әскердің білікті болуы және ұтқырлығы ұрыс нәтижесіне тікелей әсер етеді. Армия осы талапқа сай болса, өз міндетін ойдағыдай атқарады. Оның айтуынша, қазір арнайы операциялар күштерінің қолбасшылығы құрылды. Сондай-ақ десанттық-шабуылдаушы әскердің қарым-қабілетін арттыру үшін нақты жұмыс жүргізіліп жатыр.

— Аумақтық қорғаныстың әлеуеті күшейтілуде. Азаматтық қорғаныс бөлімшелері құрылып жатыр. Арнайы жасақ бөлімдерін дамыту ісі тын қарқынмен жалғасуда. Осы жұмыстың бәрін уақытылы аяқтау керек. Олар біртіндеп қажетті жабдықтармен қамтамасыз етілуге тиіс. Мемлекеттік органдардың тығыз қарым-қатынаста болуы өте маңызды. Сонда ғана біз кез келген қауіп-қатерге төтеп бере аламыз. Қуатты армия — тұрақтылық пен тыныштықтың кепілі, — деді Президент.

(Жалғасы 2-бетте)

ОТАН ҚОРҒАУШЫЛАР МАРАПАТТАЛДЫ



Мемлекет басшысы — Қазақстан Қарулы Күштерінің Жоғарғы Бас қолбасшысы Қасым-Жомарт Тоқаев мемлекеттік наградалар, жоғары әскери және арнаулы атақтар, сыныптық шендер тапсыру рәсіміне қатысты. Президент алдымен жиынға қатысушыларды Отан қорғаушы және Жеңіс күнімен құттықтап, жыл сайын қатар атап өтілетін қос мереке Отан үшін от кешкен аға буын мен егемен елдің сарбаздары арасындағы сабақтастықты білдіретініне назар аударды.

— Қазақ — даңқты тарихын ат тұяғымен жазған халық. Біз — ұлан-ғайыр жерін жауға бастырмаған батыр елдің ұрпағымыз. Алапат соғыста жеңіске жеткен қаһарман ерлердің ізбасарымыз. Қазір еліміздің күштік құрылымдары Қазақстанның қауіпсіздігін қас қақпай күзетіп тұр. Отанымыздың іргесі берік болуын қамтамасыз ету — әр азаматтың перзенттік парызы. Сондай-ақ өмір жолын әскери қызметке арнаған мамандардың кәсіби міндеті. Қазақстан — бейбіт мемлекет. Біз барлық елдермен достық қатынас орнаттық. Мемлекеттер арасындағы кез келген мәселені бейбіт жолмен шешу керек деп санаймыз. Дегенмен қамсыз отыруға болмайды. Барлық жағдайға сақалдай сай болуымыз айрықша маңызды. Еліміздің қорғаныс және қауіпсіздік саласын күшейту — басты міндеттің бірі, — деді Мемлекет басшысы.

Президент мемлекеттің қорғаныс қабілетін күшейту, ұлттық қауіпсіздікті нығайту, сондай-ақ заң үстемдігі мен құқықтық тәртіпті қамтамасыз ету еліміздің мызғымас басымдықтары екенін атап өтті. Қ.Тоқаевтың айтуынша, мемлекет күштік құрылымдарға көрсетілетін қолдауды дәйекті түрде кеңейтіп келеді. Инфрақұрылым, материалдық-техникалық тұрғыда жабдықтау мәселелері кезең-кезеңмен жақсарып, енбекақы мен әлеуметтік жеңілдіктер артауда. Әскери қызметшілер, арнаулы және құқық қорғау органдарының қызметкерлері, күштік құрылымдардың ардагерлері әрдайым мемлекеттің көмегі мен қамқорлығына сенуіне болады.

— Отан қорғау — әрбір азамат үшін биік мәртебе. Сондай-ақ бұл — туған елдің, болашақ ұрпақтың



алдындағы үлкен жауапкершілік. Сіздер еліміздегі бейбіт өмірді, тыныштық пен тұрақтылықты сақтауға зор үлес қосып жүрсіздер. Өз ісінің нағыз шебері атанып, мінсіз қызмет атқарып келесіздер. Ортамызда антына алал болып, ел қауіпсіздігі үшін басын қатерге тіккен бейбіт күннің батырлары бар. Олардың ерлігі, шын мәнінде, барша халыққа, әсіресе жастарға үлгі-өнеге, — деді Қасым-Жомарт Тоқаев.

Президент сөзін қорытындылай келе, ел тыныштығын, мемлекет қауіпсіздігін қорғауға атсалысып жүрген барша азаматқа алғыс айтты. Бұдан кейін Мемлекет басшысы ерлігімен және еңбегімен дара шыққан бірқатар азаматты мемлекеттік наградамен марапаттады. Сондай-ақ әскери және арнаулы атақтар, сыныптық шендер тапсырды.

СМАРТФОНДЫ ҚАРУ ЕТКЕН САРБАЗДАР



4
БЕТ

МАЙДАНГЕРГЕ МЫҢ ТАҒЗИМ!



9
БЕТ

ӘСКЕРДЕГІ БІР КҮН



Отан қорғар әскер барда қорғанымыз мықты бола бермек. Шүкір, бүгінде мемлекетіміздің арқа сүйер айбынды әскері бар. Еліміздің әскери күштерінің дамуында Шымкент қаласының маңызы зор. Шымкентте бірнеше әскери бөлімнің, Ұлттық ұланның сарбаздары Отан алдындағы борышын өтеп, ерекше дайындық жүргізіп келеді. Біз үшінші мегаполистің шет аймағы саналатын «Сәуле» шағынауданында орналасқан №35748 әскери бөлімінде болып, сарбаздардың өмірімен танысып қайттық.

5»

ЕРЛІГІ ЕСТЕ ҚАЛҒАНДАР

Махаббаттың ең үлкені — Отанға деген махаббат болса керек. Әр адам жақсысын қорғап, көзінің қарашығындай сақтауға ниет ететіні анық. Кейде көпшілік қазақ армиясының кем-кетігін айтып жатқанымен, оның көпке үлгі болып, разы қылатын жақсы тұстары да жетерлік. Біз бүгін әскер қатарында жүріп, екінің бірінің қолынан келе бермес ерлік жасаған сарбаздар жайында айтпақпыз.



ҚАРУЛЫ ТОПҚА ТОСҚАУЫЛ

Әскеріміздің айбыны сонау тәуелсіздік алған жылдардан кейін көп өтпей-ақ біліне бастаған еді. Мәселен, 1995 жылдың 7 сәуір күні Қарулы Күштеріміздің

сарбаздары тәжік-ауған шекарасында қаруланған ланкестермен шайқасып, ерліктің, қайсарлықтың үлгісін көрсеткені әлі күнге дейін көптің есінде. Төпсе, темір үзетін жауынгерлер шекараны зансыз қару-жарақ пен есірткі

дәлізіне айналдырмақ болған қарулы топқа тосқауыл қойды. Оған еліміздің түкпір-түкпірінен Отан алдындағы борышын өтеп жүрген 8 жарым мың сарбаз аттанған.

4»





ҚУАТТЫ АРМИЯ – СЕНІМДІ ТІРЕК

(Басы 1-бетте)

Қасым-Жомарт Тоқаев армияны технологиялық тұрғыда жаңғырту жұмысы жалғасатынын атап өтті. Оның пайымынша, жаңа үлгідегі қару-жарактың және техниканың, әсіресе дәлдігі жоғары қарулардың, ұшқышсыз басқарылатын техника мен роботты кешендердің үлесін арттыру қажет. Сондай-ақ әскеріміз ұтқыр болу үшін тасымалдаушы ұшақтардың және ұрыс көліктерінің санын көбейткен жөн деп есептейді. Ол үшін ақпараттық жүйелер мен озық технологияны енгізу – маңызды міндет. Шешім қабылдау тиімділігін арттыруға және жауынгерлік бөлімшелердің әлеуетін арттыруға ерекше назар аудару керек. Бұл әскерді пайдалану тиімділігін айтарлықтай жақсартады. Армиямызды толыққанды қаруландыруда және жаңғыртуда отандық қорғаныс-өнеркәсіп кешені маңызды рөл атқарады. Үкімет әскери өнімдер мен қызмет түрлерін кеңейту үшін барлық шараны қабылдауға тиіс. Тағы бір өзекті мәселе – зауыттардың және әскери бөлімдердің техниканы жөндеу мүмкіндігін арттыру.

Президент жауынгерлік дайындық жүйесін жетілдіруді келесі бір мәселе ретінде атап өтті. Сондай-ақ маңызды халықаралық тәжірибені жан-жақты зерттеп, озық үлгілерін белсенді түрде қолдануымыз керек екенін айтты. Сондай-ақ жиында әскери білім және ғылым



жүйесін дамыту мәселесіне де баса мән берілді.

– Әскери академиялар, институттар әлемдік стандарттарға сай болуға тиіс.

Осы саладағы жоғары оқу орындарының материалдық базасын нығайту керек.

Сондай-ақ оқу бағдарламасын заман талабына сай бейімдеу қажет. Әскери

мамандар даярлау үшін басқа да жоғары оқу орындарының мүмкіндігін кенінен пайдаланған жөн. Ректорлар студенттердің жауынгерлік дайындығына тікелей

жауапты болуға тиіс. Әскери қауіпсіздік мәселесі ғылыми тұжырымға сүйенуі керек. Яғни, ғылыми-зерттеу жұмысына басымдық беру қажет. Әскери оқу орындары қорғаныс саласындағы кәсіпорындармен тығыз байланыс орнатуы керек, – деді Қасым-Жомарт Тоқаев.

Мемлекет басшысы әскери қызметтің беделін және жауынгер мәртебесін арттыру қажеттігіне тоқталып, әскери қызметшілердің әлеуметтік тұрғыдан қамтылу мәселесіне ерекше назар аударды.

– Ел тыныштығын қорғайтын әрбір жас маман өз қызметін мақтан етуі керек. Әскери қызметте болу үлкен абырой саналуға тиіс. Біз бұған қажетті барлық жағдайды жасаймыз. Қазір осы бағытта нақты жұмыс жасалып жатыр. Әскери борышын өтеп келген азаматтар енді жоғары оқу орнына жеңілдікпен түседі. Мерзімді әскери қызметтегі сарбаздар несиесін төлеу міндетінен уақытша босатылады. Сондай-ақ олар өздері қаласа, армия қатарынан нақты мамандық алып шығады. Жалпы, сарбаздарды әлеуметтік қолдау шараларын мейлінше көбейту қажет, – деді Президент.

Бұдан кейін Мемлекет басшысы ерлігі мен жанқиярлығы, елдің ұлттық қауіпсіздігі мен қорғаныс қабілетін қамтамасыз етуге, заңдылық пен құқық тәртібін нығайтуға қосқан үлесі үшін бірқатар әскери қызметшіні марапаттады.



КЕДЕНДІК РӘСІМДЕР ЖЕҢІЛДЕЙДІ

Сенат Спикері Мәулен Әшімбаевтың төрағалығымен Палата отырысы өтті. Онда сенаторлар Мемлекет басшысының Жоғарғы Сот судьясын қызметтен босату туралы ұсынымын және халықаралық келісімді ратификациялау жөніндегі заңды қарады. Сондай-ақ өздерінің депутаттық сауалдарын жолдады.

Ел Президенті Қасым-Жомарт Тоқаевтың ұсынымын қарау нәтижесінде сенаторлар басқа жұмысқа ауысуына байланысты Дана Тоқмырзинаны Жоғарғы Сот судьясы қызметінен босату туралы шешім қабылдады. Бұл мәселені Сенаттың Конституциялық заңнама, сот жүйесі және құқық қорғау органдары комитеті алдына талқылағанын атап өткен жөн.

Отырыс барысында Палата депутаттары «Кедендік транзиттің кедендік рәсіміне сәйкес тауарларды тасымалдау (тасу) кезінде кедендік баждарды,

салықтарды, арнайы, демпингке қарсы, өтемақы баждарын төлеу жөніндегі міндеттің орындалуын қамтамасыз етуді қолданудың ерекшеліктері туралы келісімді ратификациялау туралы» заңды қарап, мақұлдады.

Бұл Келісім ЕАЭО-ның транзиттік әлеуетін дамытуды және тауар тасымалдау үшін қажетті жағдайларды жақсартуды көздейді. Сондай-ақ құжат Еуразиялық экономикалық одақ аясында тауар тасымалдау кезінде міндетті кедендік және өзге де төлемдерді төлеуге қатысты құқықтық қатынастарды реттейді. Сыртқы экономикалық қызметке қатысушылар үшін жекелеген кедендік рәсімдерді жеңілдету мәселесі де қарастырылған. Алдағы уақытта жана нормалар ЕАЭО аясындағы тауар транзитінің бірыңғай жүйесін қалыптастыруға оң әсерін тигізуге тиіс.

Сонымен қатар отырыс барысында сенаторлар маңызды мәселелерді көтеріп, депутаттық сауалдарын жолдады.

«ЕРТЕҢ» КОНЦЕПТУАЛДЫ КОНЦЕРТІ ӨТТІ

Астана қаласындағы Бейбітшілік және келісім сарайында ақын-музыкант Мақпал Жұмабайдың Erten атты жеке концептуалды концерті өтті. Өнер иесі өз шығармаларында жасанды интеллектті қолдана отырып, бүгінгі заманның өзекті мәселелеріне арналған перформанстар мен толғаныстардың үйлесімін бейнелейді. Аталған бірегей концертті көпшілікпен бірге Сенат Төрағасы Мәулен Әшімбаев бастаған бір топ Палата депутаттары да тамашалады.

Сенат жұмысындағы басым бағыттардың бірі – ұлттық құндылықтарды дәріптеу. Сенаторлар бұл міндетті шығармашылық индустрия өкілдерімен бірлесіп отырып, жұмысты ерекше сипатта жүргізуге ниеттеніп отыр.

Мақпал Жұмабайдың айтуынша, өзінің шығармашылық мақсаты – қазақ поэзиясын заманауи музыка және жалпы өнер арқылы жетілдіру. Импровизациялық Erten туындысы – адамның өткен мен бүгінді зерделей отырып, ертеңге дайын болуын мақсат тұтады.

«Мақпал шердің» музыкалық-поэтикалық жобасы 15 жыл бойы поэзия, музыка, кескіндеме, анимация, спектакль көріністері арқылы шығармашылық қызмет түрлерінің арасындағы шекараны ашып, қазақ поэзиясын жана биікке көтерді. Топ құрамында түрлі ұлт өкілдері мен әр жастағы музыканттар бар. Олар өнердің көптеген қырлары мен қазіргі заманға деген көзқарастарын тыңдарман қауымға әуен арқылы жеткізеді.

Лондондағы «АУА» концерті әйгілі топтың халықаралық аренадағы ерекше қолтаңбасы екенін атап өткен жөн. Аңызға айналған Брюнель мұражайында өткен концерт музыкадағы жана ағымдар мен өнердегі есімдерді әйгілеген жер екені белгілі.



МӘЖІЛІС ТӨРАҒАСЫ ТӘЖІКСТАН ПРЕЗИДЕНТІМЕН КЕЗДЕСТІ



Мәжіліс Спикері Ерлан Қошанов Астанаға мемлекеттік сапармен келген Тәжікстан Республикасының Президенті Эмомали Рахмонмен кездесті.

– Қазақстан – Тәжікстанның сенімді стратегиялық серіктесі. Президент Қасым-Жомарт Тоқаевтың реформалары Қазақстанды нығайтуға, оның тұрақты және орнықты дамуына бағытталған. Бүгін біз Мемлекет басшысымен елдеріміз арасындағы одақтастық ынтымақтастық туралы Декларацияға қол қойдық және жиырмадан астам басқа да келісім жасалды. Соңғы жылдары екі-жақты тауар айналымы 3-4 есе өсті. Мұның барлығы серпінді ынтымақтастық пен тату көршілік қарым-қатынастарымыздың орасан зор әлеуетін айқайтайды, – деді Тәжікстан Президенті.

Президент Эмомали Рахмон екі елдің депутаттарын белсенділік танытуға, кездесіп, тәжірибе алмасуға шақырды.

Ерлан Қошанов өз сөзінде Қазақстан–Тәжікстан дипломатиялық қарым-қатынасы орнаған 30 жыл ішінде Тәжікстан Қазақстанның Орталық Азиядағы маңызды стратегиялық серіктесі және сенімді одақтасы болғанын ерекше атап өтті.

– Сіздің келуіңізді тарихи сапар деп атауға болады. Бұл біздің болашақтағы жемісті қарым-қатынасымызға жақсы негіз болады, – деді Мәжіліс Төрағасы.

Ол парламентаралық ынтымақтастықтың әлеуетін екіжақты қарым-қатынасты кеңейту жолында пайдалануға дайын екенін мәлімдеді.

Кездесу барысында екі елдің жастары, ғалымдары, өнер қайраткерлері мен зиялы қауымы арасында тұрақты байланыс орнату қажеттігіне ерекше назар аударылды.

Кездесуге Мәжіліс комитеттерінің төрағалары, Қазақстанның Тәжікстандағы Төтенше және өкілетті елшісі Уәлихан Төреханов қатысты.

АВТОБУСҚА ОҚ АТҚАН

Алматы қаласының Түрксіб ауданында мопед жүргізушісі жолаушылары бар автобусқа оқ атты. Оқиғаның видеосы желіде тарайды.

Видео авторының айтуынша, 219-автобусқа мопед мінген ер адам оқ атып, «менің жолымды кесіп өтті» деп айғайлаған.

Қалалық Полиция департаменті автобусқа оқ ату фактісін растады. Мопед жүргізушісі кім екені анықталды.

«Оқиға бүгін таңғы сағат 10:00 шамасында Алматы қаласы Түрксіб ауданында болған. Жолдағы жанжал салдарынан мопед жүргізушісі пневматикалық тапаншадан қоғамдық көліктің әйнегіне оқ атып, оқиға орнынан бой тасалаған. Зардап шеккендер жок. Мопедисттің жеке басы анықталды.

Оны қамауға алу шаралары жүргізілуде. Аталған дерек бойынша тергеу амалдары Түрксіб аудандық полиция басқармасына қарасты полиция бөлімінде жүргізілуде» деп хабарлады Полиция департаменті.





Сеулдегі жүздесу:

КОНТЕНТ – дәуір атамишасы

23-28 сәуір аралығында Оңтүстік Кореяда Дүниежүзілік журналистер конференциясы өтті. 2013 жылдан бері Кореяның журналистер ассоциациясының ұйымдастыруымен дәстүрлі түрде өткізіліп келе жатқан шараға 48 елден 54 журналист қатысты.

Биыл 11 рет өткізіліп отырған жиынның тақырыбы – «Цифрлық трансформация дәуіріндегі көшбасшылық және аймақтық деңгейдегі журналистика». Дүниежүзілік журналистер конференциясын жыл сайын Кореяның журналистер ассоциациясы ұйымдастырады. Бұл ұйымның 1964 жылы негізі қаланған, биыл 59 жылдығын тойлайды. Ассоциацияның мерзімді басылым, радио, телекоммуникация және интернет-платформалар сияқты әртүрлі салада қызмет ететін 203 компаниядан 11 мыңнан астам мүшесі бар. Шара Оңтүстік Кореяның Сыртқы істер, Мәдениет, спорт және туризм министрлігінің қолдауымен өтті.

Корея журналистер ассоциациясының президенті Ким Дон Хунның айтуынша, COVID-19 пандемиясының себебінен соңғы үш жылда аталмыш шара онлайн форматта өтті. Бұған дейін бұқаралық ақпарат құралдарының өкілдері «Журналистиканың дамуы мен болашағы», «Климаттың өзгеруі мен ондағы журналистиканың рөлі», «COVID-19 пандемиясынан кейінгі дәуірге дайындық» және тағы басқа тақырыптарды талқылаған. Биыл әлемнің түкпір-түкпірінен жиналған журналистермен жүзбе-жүз кездесудің сәті түсті. Конференцияның алғашқы күнінде екі тақырыпқа маңыз берілді – «Өмірлік дамудағы журналистиканың сын-қатерлері» және «Цифрлық трансформация дәуіріндегі көшбасшылық және журналистиканың болашағы».

«Бұл екі тақырыпты талдау әрі шешімін ұсыну – біздің парызымыз. Ұлтымыз, нәсіліміз, жынысымыз бен идеямыз алуан түрлі болса да, шындықты, бостандық пен бейбітшілікті ту ететін журналистік мақсат-мүддеміз ортақ», – деді Корея журналистер ассоциациясының президенті Ким Дон Хун.

Оның айтуынша, бүгінде ғылым мен технологияның жылдам дамып жатқаны соншалық, журналистика саласы бұл қарқыннан бір қадам ілгері болуы тиіс, олай болмаса орны толмас дағдарыса тап болуы мүмкін. Сондықтан дүниежүзіндегі кәсіби журналистер үнемі серіктестікке жұмыс істеп, ұдайы өзара тәжірибе алмасып отыруы керек.

6 күнге созылған жиын бағдарламасына Сеул, Сувон, Пусан, Инчхон қалалары мен Кёнгидо провинциясына, сондай-ақ Кореяның демилитаризацияланған аймағына пресс-тур жасау енгізілген.

Кореяның мерзімді басылымдар қорының төрағасы Пё Ван Судын айтуынша, аталмыш конференция

алғаш өткізілген жылдан бастап оған 100-ден астам елден мыңнан астам журналист қатысқан.

«Аймақтық проблемалардың күн тәртібінде талқылануы оның журналистер назарына ие болуымен, бұқаралық ақпарат құралдарында жиі талқылануымен тікелей байланысты екенін тәжірибе көрсетіп отыр. Сондықтан аймақтың дамуы кезінде журналисти-



каның маңызы зор әрі бұл істе әлемдік журналистер өзара идея, тәжірибе алмасуы және түрлі серіктестікке қол жеткізуі тиіс», – дейді Пё Ван Су.

Сыртқы істер министрінің саяси мәселелер жөніндегі орынбасары Чхве Ёнсам былтыр Камбоджада өткен АСЕАН саммитінде ел президенті Юн Сук Ёль жариялаған Оңтүстік Кореяның Үнді-Тынық мұхиты стратегиясы мен тұрақты және бейбіт, дамушы Үнді-Тынық мұхиты аймағының стратегиясына тоқталды. Оның айтуынша, осы бастамалардың аясында Корея Оңтүстік-Шығыс Азия елдерінің ассоциациясына кіретін мемлекеттермен, сондай-ақ Латын Америкасы мен Қариб аралындағы елдермен тығыз қарым-қатынас орнатпақ.

«Өмірлік дамудағы журналистиканың сын-қатерлері» тақырыбындағы алғашқы панельлік сессияда әр елден келген журналистер өзін кәсіби мансабындағы кедергілер мен жергілікті БАҚ-тың проблемалары туралы айтып, тәжірибесімен бөлісті. Бұл сессияны Чуннам ұлттық университетінің құрметті профессоры Чо Сон Кюм жүргізді. Талқылауға Кванджу-Чоннам журналистер ассоциациясының президенті Маенг Дэ Хван, Bangkok Post репортері Порамет Тангсатхапорн, El País испандық

газеттерден бұрын жаңалық таратпайды. Дәстүрлі бұқаралық ақпарат құралдарының жұмысы қиындай түсті, мұндай жылдам ақпарат тіптен кәсібилікке қауіп төндіретін кезеңге жеттік», – дейді ол.

Бахтын айтуынша, Батыс Африкадағы көптеген елде бұқаралық ақпарат құралдары үздік кәсіби мамандарынан жоғалтып жатыр. Өйткені тәжірибелі редакторлар мен ардагер ТВ

мамандар жергілікті БАҚ-тың болашағына күмәнмен қарап, мамандығын ауыстырып үлгерген, басым бөлігі жалақысы жоғары, болашағы жарқын қоғаммен байланыс, баспасөз қызметі және тағы басқа салаға ауысып жатыр.

«Цифрлық трансформация дәуіріндегі көшбасшылық және журналистиканың болашағы» сессияның модераторы – Корея журналистер ассоциациясының мүшесі Чон Мин Хо болды. Бұл талқылауға Корея, Қытай, Франция, Біріккен Араб Әмірліктерінен келген сарапшылар қатысты. БАӘдегі Gulf News порталының цифрлық контентті жоспарлау жөніндегі редакторы Анупа Куриан Муршедтің айтуынша, кез келген брендті және оның көшбасшылығын қолдаудың жалғыз жолы – сапалы әрі сенімді контент. Сондай-ақ «Журналистикада, әсіресе цифрлық дәуірде көзқарас бірлігі қажет. Трендерге, технологиялар мен заманауи құралдарға сәйкес келетін және бейімделетін дәйекті, мазмұнды стратегия керек. Біздің табысқа жетуіміздің кілті – үздіксіз ойлау процесі. Басшыдан бастап қарапайым қызметкерге дейін ой тастап, идея айтуға сараңдық танытыпдық», – деді Анупа Муршед.

Xinhua (Синьхуа) ақпараттық агенттігі бас редакторының орынбасары Чжоу Нин технологияның қарқынды дамуынан қорқудың қажеті жоқтығын алға тартады, өйткені контент – қай дәуірдің болмасын патшасы санала бермек.

«Медиаландшафт, қоғамдық пікірдің экологиясы және коммуникация мақсаттары жаңа медиа мен технологияның ықпалынан айтарлықтай өзгеріске ұшаралы десек те, цифрлық трансформация дәуіріндегі жаңа технологиялар құралы ретіндегі жаңа технологиялар құралы ретіндегі «контент – патша» деген тұжырым еш өзгермейді. Бар болғаны, журналистер ChatGPT сынды жасанды интеллект құрастырған ақпаратты місе тұттып отырмай, алғашқы дереккөзден мәлімет алу үшін кез келген мәселеге тереңдеу аса маңызды әрі белсенді зерттеулер жүргізіп, визуалды, ақыл-ой және жазу машығын үнемі жетілдіріп отыру қажет», – дейді ол.

Конференцияда сондай-ақ фейк жаңалықтармен күрес, жарнама және табыс табудың балама үлгілері, жаңа технология мүмкіндіктері тақырыбында талқылаулар өтті.

Айдана НҰРМҰХАН,
Оңтүстік Корея
Сеул қаласы

Конференцияның алғашқы күнінде жергілікті Busan Ilbo тілшілері Ким Джун Юн мен Ли Сан Би қатысушыларға ерекше жобасын таныстырды. Олар Пусан қаласындағы Санбок тарихи көшесінің тұрғындарымен тілдесудің ерекше жолын ойлап тапқан.

САНБОК КӨШЕСІНІҢ КЕЙІПКЕРЛЕРІ

Пусан төбелерімен өтетін бұралмалы Санбок көшесі ұзақ уақыт бойы босқындарға баспана болды. Корея соғысы кезінде Солтүстік Кореядан келгендер ескі қаладан алыс, тау бөктерінде салынған уақытша шатырларда тұрды. Кейінірек, 1970-80 жылдардағы даму дәуірінде бұл үйшіктер ірі қалаға жұмыс істеуге ағылған зауыт жұмысшыларына да пана болды. Ал бүгінгі күні Санбок – Пусандағы танымал көшелердің бірі, ол жерден қала алақандағыдай әдемі көрінеді. Алайда көшенің қазіргі жағдайы мүшкіл. Бұл аймаққа бірді-екілі жолаушылар тасымалдайтын автобус кіреді. Пусан үшін қалыптасқан саналатын өркениет аталмыш ауданға жете қоймаған: ауысу мен электр желісі атымен жоқ, қранның тот басқан су ағады. Ал тұрғындары көбіне қарт кісілер мен табысы төмен отбасылар. Сондықтан Санбок үнемі БАҚ өкілдерінің назарында және бұл көше туралы контент жасау жергілікті журналистер үшін әрдайым өзекті.

Busan Ilbo газетінің тілшілері аталмыш ауданнан жасалатын әдеткі репортаждардың сценарийін бұзып, жергілікті халықпен тілдесуді мақсат тұтады. «Бұған дейін де Санбок көшесі туралы бірнеше репортаж жасап жүрдік. Ол жердегі тұрғындардың тағдырын баяндаудың түрлі жолын іздейтінбіз, алайда жергілікті әкімдіктің көмегімен хәм қалауымен жасалатын сұхбаттардан әрі аса алмадық. Өкінішке қарай, бұл аймақты жергілікті әкімдік қатан бақылауда ұстайды. Өйткені мұндағы жұрттың тұрмыстық жағдайы, табыс көзі төмен. Журналистік билетіміз көрсетіп, арнайы рұқсат қағазын алып сұхбат құруды емес, кейіпкермен еш делдалсыз тікелей диалог жасауды қаладық», – дейді тілші Ким Джун Юн.

Busan Ilbo тілшілеріне тың идея келеді. Олар жергілікті халыққа қажетті қызмет түрін ұсынып, оны өздері басқармаққа бекінеді.

«Тұрғындармен тікелей тілдесу үшін алдымен бұл ауданға жерсінуге қажеттігін түсіндік. Зерттей келе, Санбокта кір жуатын орындар тапшы екенін білдік. Ертеректе Санбок көшесінен репортаж жасаған уақытта елде айелдердің қыстың күні суық сумен кір жуып жатқан сәттері есіме тұсты. Мұндағы қарттар мен табысы төмен халық кір-қонды қолмен жуады, өйткені бас-басына кір машина сатып алатын жағдай әрі су тартатын мүмкіндік жоқ. Кір жуатын орын ашудың тұрғындарға пайдалы болатынын анық түсіндік. Газет редакциясын екі кір жуатын және екі кір кептіретін машина сатып алуға көндірік, шамамен 20 миллион вон (6,8 миллион теңге) шығындылық. Сөйтіп, 2022 жылдың мамырында Санбок көшесінде Хочхон ауылындағы қараусыз қалған бір үйден өз-өзіне қызмет көрсететін кір жуатын орын аштық. Бар-жоғы 10 шаршы метр болатын ескі үйді бір ай бойы жөндеуден өткізіп, түрлі түсті бояумен әрледік. Ашылған бойда халық белсенді келе бастады», – дейді тілші Ли Сан Би.



Жергілікті халық бұл орынға келіп, тегін кір-қонын жуа алады, бір ғана өтініш – кір жуылып біткенше Санбок тұрғыны өзінің өмірі, отбасы, кәсібі туралы баяндап беруге керек. Журналистер кейіпкерлермен болған сұхбатты Busan Ilbo сайты мен Sanbok Laundromat деп аталатын Youtube арнасына жариялап отырады.

«Әр сейсенбі сайын газетке, сайтқа және Youtube арнасына Санбок тұрғындарының хикаясын жариялап отырдық. Алғашқы жарты жылда ыстық мандардан, әріптестерімізден көптеген ыстық ілтипат алдық. Журналистер қауымы жергілікті медианың көкжиегін аша алған креатив жоба деген баға берді. Бұл жоба жергілікті әкімшіліктің түрлі кедергілеріне қарамастан, кішкентай ауыл халқының үлкен проблемасын айтуға болатынын көрсетті. Сондықтан оқырман арасында кең танылып, жақсы қолдауға ие болды. Қазір де Санбок көшесінің кейіпкерлерінің оқиғасы сайтқа жақсы оқылып, Youtube арнасында көп қаралым жиналды», – деді Ким Джун Юн.



**TÜRK DÜNYASI
KÖŞE YAZARLARI
SEMPOZYUMU**
İSTANBUL | 2023

**ЖАНА ТҮРПАТТА
МЕДИА**

Бүгінде түбі бір түркі дүниесі барлық салада тығыз әріптестік байланыс орнатуға мүдделі. Геосаяси жағдай ұшыға түскен қазіргідей сәтте бауырлас елдердің бір жағадан бас, бір жеңнен қол шығарып әрекет етуі маңызды стратегиялық қадам деуге саяды. Ал бұл байланыс саясат пен экономиканың аясында ғана шектеліп қалмай, мемлекет өмірінің барлық саласына серпін сыйлағаны керек. Әсіресе, ақпарат аламанында түркі дүниесіне бірлесіп шешетін мәселе жеткілікті. Жаңа медиа дәуірінде жарықтың жылдамдығымен тарап, көпшіліктің санасын сан саққа жүгірететін жалған ақпаратпен күресте күш біріктіру күн тәртібінде. Түркітілдес 8 мемлекеттің БАҚ өкілдерінің басын қосқан түркі дүниесі шолушыларының симпозиумында да дәл осы мәселе жан-жақты талқыланды.

Түркияның Ыстанбұл қаласында өткен шараға Түркі мемлекеттерінің ұйымына мүше Түркия, Әзербайжан, Қазақстан, Өзбекстан және Қырғыз Республикасының журналистерімен бірге Мажарстан, Түрікменстан, Солтүстік Кипр сияқты байқаушы мемлекеттердің БАҚ өкілдері қатысты.

АКПАРАТ ҚАЛАЙ БҰРМАЛАНАДЫ?

Шара Түркия президенті әкімшілігі жанындағы Коммуникация басқармасының қолдауымен өтті. Жиында аталған басқарманың бөлім басшысы Оғыз Гөксу алғашқы сөзін сөйледі. Оған сәйкес Коммуникация басқармасының өкілі симпозиумды түркі әлемінің ақпарат кеңістігіндегі ортақ мәселелерді талқылаудың, шешімнің ұсынуының аяны ретінде қарастыратынын атап өтті.

— Сонымен қатар жалған ақпарат таратуға қарсы күрес жүргізу мәселесіне қатысты ұсыныс пікірлерді ортаға саламыз. Бүгінде адамзат баласы медиакеңістігіне айналды. Цифрлық технологиялардың қарқынды дамуынан біз цифрлық құпиялылық, киберимпериализм, цифрлық диктатура, деректерді қауіпсіздігі мен құпиялылығын сақтау, цифрлық фашизм сияқты мәселелермен бетпе-бет келдік. Бұл алаңда шындықты, нақты ақпаратты қорғау — біздің басты басымдығымыз.

Ақпараттық кеңістікте Түркияға қатысты жалған ақпарат жиі таралады. Әрі кейіннен олардың тең жартысы расталмай жатады. Түркия президенті Режеп Тайып Ердоған жалған ақпарат ұлттық қауіпсіздіктің мәселесіне айналып қана қоймай, жаһандық қауіпсіздікке қауіп төндіретінін атап өтті. Түркия үшін жалған ақпаратпен күрес — ұлттық қауіпсіздікті сақтау стратегиясының бір бөлігіне айналды, — деді О.Гөксу.

Ал мұндай сәтте түркітілдес елдерге стратегиялық коммуникация саласында бірлескен талдау жүргізу аядай қажет. Бұл талдау жалған ақпараттың таралуының, деректерді бұрмалау мен жала жабу фактілеріне тосқауыл болуға мүмкіндік бермек.

Түркия президенті әкімшілігі жанындағы Коммуникация басқармасының бөлім басшысы әлемдік ақпараттық кеңістіктегі негізгі қатер ретінде исламофобияны атап өтті.

— 2001 жылғы 11 қыркүйектен кейін ақпараттық кеңістікте бұл мәселе өзекті

бола түсті. 2015 жылдан бастап жыл сайын шығарылатын исламофобия туралы Еуропалық есепте «исламофобия» ұғымы мұсылмандарға гегемония орнатқысы келетіндер қолданатын нәсілшілдік түрі ретінде анықталады. Демек, бұл мәселеде Түркия ауқымды жұмыс жүргізіп жатқанымен, оған жалғыз тойтарыс бере алмайтыны түсінікті, — деді Оғыз Гөксу.

Бұл орайда Коммуникация басқармасы Түркияның тәжірибесі негізінде халықаралық әріптестік аясында жалған ақпаратқа қарсы күресті жалғастыруды ұсынады. Мәселен, Таулы Қарабақ қаласының кезінде Түркия мен Әзербайжанның бұқаралық ақпарат құралдарымен бірлесіп, ақпарат тарату ісіне жұмылған. Нәтижесінде, әлемдік медиа жағдайды дәлме-дәл бағамдауға мүмкіндік алды.

— Біз әрбір әлеуметтік платформаны цифрлық майдан деп қарастырамыз. Сол алаңда елдің қоғамдық-саяси, әлеуметтік-экономикалық өміріндегі айтулы жаһандықтарды жеткізуге күш саламыз. Дәл қазіргі сәтте жаңа медиа елдің имиджіне әсер ететін бірден-бір тетікке айналады. Қайткен күнде де мемлекеттік тәуелсіздігі ендігі жерде оның ақпараттық кеңістігінде цифрлық бостандық арқылы танылады. Бұл орайда Түркияның қорғаныс өнеркәсібі сияқты ақпараттандыру саласында да импортқа тәуелділікті төмендетіп, ондағы төл өнімдеріміздің үлесін 70-80 пайызға көтеруге қажет, — деді Коммуникация басқармасының өкілі.

Жиында сонымен қатар әлеуметтік желілерде тарайтын фейк ақпараттың қауіптілігі де сөз болды. Бұл орайда әлеуметтік желіде жалған ақпарат таратушыларды заң аясында жауапкершілікке тартатын елдердің тәжірибесіне назар аударылды. Ал Түркияның өзі 2020 жылдан бастап 1 миллионнан астам қолданушысы бар әлеуметтік медианың елде арнаулы өкілін тағайындауды талап ете бастады. Мамандар бұл талаптың қазіргі өзінде әлеуметтік желі қолданушыларының құқығын қорғауға ықпал еткенін айтып отыр. Яғни, адамның жеке шекарасына қол сұғатын ақпараттар желіден алынады. Ал оны таратқандар заң алдында жауап береді.

— Жалған ақпараттың жылдам таралуы расында адамдарға дәл, шынайы және ең қажетті деректерді жеткізуге кедергі болып отыр. Мәселен, жыл басындағы Кахраманмараш өлкесіндегі жер сілкінісі

кезінде жақын маңдағы су қоймасының қирап, сел қаупі төнгені туралы ақпарат тарайды. Осы ақпаратқа сенгендер уақытша паналау орындарын тастап қашты. Бұл оқиға іздеу-құтқару жұмыстарына да кедергі келтірді. Құтқарушылар да жұмысты тоқтатып, қаладан шықты. Әрине, олар аз уақыттан кейін өздерінің негізгі жұмысына кірісті. Бірақ осы аралықта олар үйінде астында қалған қаншама адамды құтқарып үлгеретін еді, — дейді О.Гөксу.

**«ЖҰМСАҚ»
КҮШТІҢ ҚҰДІРЕТІ**

Ақпарат кеңістігіндегі ұлттық өнімдердің үлесін арттыруда мамандар түрік телесериалдар индустриясының даму қарқынына тоқталды. Түрік тілі мен мәдениетін, тарихын насихаттаудың «жұмсақ» күші саналатын түрік сериалдары қазір әлемнің 156 елінде көрсетіліп, 700 миллион көрерменнің көзайымына айналып үлгерді. Кино индустриясы елге 500 миллион доллардан астам пайда әкелген. Юнус Эмре институты түрік сериалдары көрсетілетін елдерде түрік тілін үйретуге кіріскен. Бұл институттың қызметіне түрік халқының өмір сүру салтына қызыққандар да жиі жүгінеді

**БАҚЫЛАУДЫҢ
ДА ӨЗ ШЕГІ БАР**

Түркиядағы ең ірі «Анадолу» ақпарат агенттігінің редактор-координаторы Яхья Бостон «Жаңа ғасырдағы медиа» тақырыбында баяндама жасады.

— Жаңа 100 жылдықтағы медиа бұл — қызықты тақырып. Мен журналистикадағы еңбек жолымды 1995 жылы басталдым. Осыдан 28 жыл бұрынғы журналистикамен қазіргі журналистиканы салыстыруға келмейді. Бұрын бұқаралық ақпарат құралдарының «төртінші күш» деп атайтын. Қазір бұл тенденция жойылып, медиа түрлі сипатқа ие болды. Тіпті, әлеуметтік желінің қоғамдық көзқарасқа ықпал ететінін байқап отырмыз. Шынайы

Франция тәжірибесінде ақпараттың сайлауға ықпалы байқалады. Мұның бәрі әлеуметтік желі арқылы ақпараттандыру ісін жүргізетіндердің әрекетіндегі ашықтық жоғын көрсетеді. Әсіресе, қаржыландыру көзін ашық көрсетілмей, тұтынушыға жеткізілетін ақпараттың шынайылығына күмәндануға болады. Шетелдік қорлардан қаржыландыратын медиалар да қаржыландыру көзін көрсетуі қажет. Осының бәрін шешімі ретінде түркі мемлекеттеріне ортақ YouTube, Facebook деңгейіндегі платформа жақтауымыз керек, — деді Я.Бостон.

**ЖАСТАРДЫҢ АУДИТОРИЯСЫ ДА
ЕСКЕРУСІЗ ҚАЛМАЙДЫ**

Өзбекстаннан келген медианарықты зерттеуші ғалым Умид Жакыпов адамзат баласының қазіргі ақпарат алу тәсілдеріне тоқталып, кеңістікте әлеуметтік желінің пайдаланушылардың саны артып бара жатқанын айтты.

— Жүргізілген зерттеу жұмыстарының нәтижесіне көз жүгіртсек. Бүгінде адамдар тәуелділік 6 сағатын смартфонның немесе ноутбук, компьютердің экранына үнілумен өткізеді екен. Олардың 90 пайызы осы уақыт аралығында әлеуметтік желіні ақтарып шығады. Біздегі халықтың



екен. Танымал телесериалдар түсірілген орындарды көру үшін Түркияға турист көп келеді.

Симпозиумның келесі бөлігі талқылауға ұласып, оған симпозиум қатысушылары үн қосты. Өзбекстан делегациясының өкілі Аброу Гулямов өзбек медиасындағы жалған ақпаратпен күрестің тәсілдерін тілге тиек етті. Ал Әзербайжан журналисі Юнус Оғыз Таулы Қарабақтағы оқиғаны ақпараттандыру тәжірибесімен бөлісті.

— Таулы Қарабақ оқиғасы кезінде түрік әріптестерімізбен бірлесіп оқиға орнынан тікелей эфирге шығып, нақты ақпарат таратуға тырыстық. Сол кезде бір байқағанымыз, жеңіс үшін әскери әлеует пен экономика, қару-жарақтан бөлек тұрақты ішкі саясат та керек екені аңғарылды. Ал оны қалыптастарда медианың ықпалы зор, — деді Юнус Оғыз.

ақпарат бұрмаланатын жағдайға жеттік, — дейді Яхья Бостон.

Сонымен бірге ол әлеуметтік желінің белсенді пайдаланушыларының табысына назар аударуға шақырды. Оның пікірінше, мұның заңды тетігі жоқ. Яғни, нарық бақыланбайды. Бұл фактор жаңа медианың ақпараттың бұрмалаудың бірден-бір себебі.

— Қазір қолында смартфонды бар кез келген адам журналист бола алады. Осыдан барып корреспондент қызметінің маңыздылығы жоғалды. Есесіне ақпараттық қауіпсіздік пен сөз бостандығы өзекті бола түсті. Әрине, жалған ақпарат таратуға Үкіметтің әлеуметтік желіні реттегіні керек. Бірақ ақпараттық қауіпсіздікті қорғау деп жүріп, азаматтардың сөз бостандығын шектеуге болмайды, — дейді Яхья Бостон.

Өз сөзінде спикер ақпараттық қауіпсіздікті реттеудегі әлемдік тәжірибеге тоқталып, түрік медиасында таралатын мәліметтерді жоққа шығарудағы, шынайылығына көз жеткізудегі «Анадолу» агенттігінің жұмыс тәртібін мысал етті. Сондай-ақ ол бұл істе жасанды интелекті пайдалану мәселесін бірлесіп ойластыру қажеттігіне тоқталды.

— Жасанды интелект мақала жазып шықты. Демек, оның журналистикадағы ролін айқындайтын кез жетті. Жасанды интелект мақалаға деректі цифрлық медиадан алады. Ал журналист мақала жазуда қарапайым адамдармен пікірлеседі.

Жаңа медиада икемді ақпарат тарату құбылысы байқалады. Мәселен, АҚШ,

43 пайызы күндізгі уақытта интернетке кіретіні анықталды. Ал цифрлық технологияның даму қарқыны көш ілгері Жапония тұрғындарының 21 пайызы ғана интернетке күндіз кіреді. Теледидар көретіндер де азайып келеді. Бұл зерттеу 16-64 жас аралығындағы отандастарымызға сұрау арқылы жүргізілді. Ал 14-16 жастағы жасөспірімдердің ақпаратты қайдан алатыны, олардың дәстүрлі медиаөнімдерін тұтыну үдерісі зерттелмеген, — деді өзбек ғалым.

Солтүстік Кипр журналисі Аттила Ковач өзбек ғалымның ойын жалғастырып, медианың алфа ұрпақпен тіл табысу заман талабы екеніне назар аударды. Ал Қырғыз Республикасының bulak.kg сайтының бас редакторы Семетей Аманбеков медианарықты аудиторияның сұранысына сай бейімдеу қажет деп санайды.

— Табиғи процеске қарсы келмеуіміз керек. Аудиторияның ыңғайына қарай жүргеніміз жөн. Визуальды өнімге сұраныс жоғары болса, демек бұл халықтың талабы. Осыны ескеріп, түркі дүниесіне ортақ тарихты, құндылықтарды насихаттайтын анимациялық туындылар жасауымыз керек. Ең бастысы, бұл іске блогерлерді де көптеп тартсақ ұтармыз көп болмақ, — дейді С.Аманбеков.

Симпозиумды жаңа ғасырдағы энергетикалық ынтымақтастық тақырыбында өткен пәндік сессия қорытындылады.

Шыңболат КҮЗЕКБАЙ,
Астана—Ыстанбұл—Астана





ӘУЛИЕАТА

ИНВЕСТОРЛАРҒА

Терең де тағылымды тарихымен танылған Жамбыл жері егін шаруашылығын дамытып, мал басын арттыруға таптырмас аймақ. Сондай-ақ өңірдің өрісін өндіріс ошақтары мен алпауыт кәсіпорындар да өркендетіп келеді. Химия өнеркәсібімен әлемге әйгілі Әулиеатаның инвестициялық әлеуеті де жоғары. Бұған «Zhambyl Economic and Investment Forum—2023» халықаралық экономикалық және инвестициялық форумы аясында толықтай көз жетті.

Форум барысында Жамбыл облысының инвестициялық мүмкіндіктері инвесторларға кеңінен таныстырылып, ауыл шаруашылығы бағыты, жаңғыратын энергия көздері, туризм, жер қойнауын тиімді пайдалану салалары бойынша инвесторлар тарту үшін жан-жақты жұмыстар жүргізілді. 900-ге жуық шетелдік инвестор мен консұлдық корпус өкілдері, еліміздің өзге облыстарынан келген кәсіпкерлер аймақтың инвестициялық тұрғыдан аса тартымды тұстарымен танысты. Мәселен, меймандар шараның алғашқы күні Шу ауданындағы «Тараз химиялық парк» арнайы экономикалық аймағының мүмкіндіктерін бағамдады. Онда қызығушылық білдірген шетелдік инвесторларға аймақтың инфрақұрылыммен жабдықталу

денгейі таныстырылып, оларға парк тарапынан көрсетілетін жеңілдіктерге тоқталды. Сонымен қатар кәсіп ашуға ниетті инвесторларға мемлекет тарапынан көрсетілетін көмектердің жай-жапсары түсіндірілді. Бүгінде арнайы экономикалық аймақта жалпы құны 249,7 миллиард теңгені құрайтын 5 инвестициялық жоба жүзеге асырылып жатыр.

Осы күні инвесторлар Жамбыл ауданындағы еуропалық үлгідегі этно-туристік демалыс аймағының ашылуына қатысып, өңірдің туристік бизнесті дамытудағы мүмкіндіктеріне көз жеткізді. Сондай-ақ Кордай ауданындағы жылына 1,2 миллион тонна цемент өндіретін зауыттың құрылыс алаңында болып, аталмыш салаға инвестиция құюдың тиімділігі жайында өзара пікір алмасты.

Мемлекет басшысының тапсырмасына сәйкес, өңірімізде жаңа жұмыс орындарын ашу, қомақты инвестиция тарту бойынша ауқымды жұмыстар атқарылып жатыр. Айталық, өткен жылдың қорытындысы бойынша облысқа жалпы сомасы 400 млрд теңгеден астам инвестиция тартылды. Ал биыл 3 айда облыстың негізгі капиталына 70 млрд теңгеге жуық инвестиция салынды. Бүгінде облыста жалпы құны 1,5 трлн теңгені құрайтын 10 ірі инвестициялық жобаның пулы жасқалып, онда 4 500-ге жуық жаңа жұмыс орны құрылады деп жоспарлануда, — дейді Жамбыл облысының әкімі Нұржан Нұржігітов.

Жоғарыда атап өткеніміздей, аймақ ауыл шаруашылығын дамытуға өте қолайлы. Форум аясында қонақтар бірқатар агроөнеркәсіп нысанын аралап, арнайы семинар-кеңес өткізді. Ауыл шаруашылығы вице-министрі Әбілхайыр Тамабек, облыс әкімінің орынбасары Қанатбек



ЕСІК АШТЫ

Мәдібек бастаған топ Кордай ауданындағы Greenwip ЖШС-нің жылыжай кешенімен, Меркі ауданындағы «Мыхан Орда» ЖШС-нің жанбырлатып суу технологиясымен, «Жеміс-жидек» серіктестігінің құлпынай алқабы және «Ар-Ас» шаруа қожалығының «Тау қымыз» өнімін шығаратын секірткі жұмыстарымен танысты. Жиынға көрші Қырғыз Республикасы Талас облысының әкімі, Ауылшаруашылық министрлігінің, Қытай, Оңтүстік Корея, Түркия елдерінің ірі компанияларының өкілдері, шаруалар, ғылыми-зерттеу институтының мамандары қатысты.

Ал цифрландыру бағыты бойынша Иран, Литва, Қытай, Сауд Арабиясы және республиканың барлық аймағынан келген қонақтар Ш.Муртаза аттындағы Халықаралық Тараз инновациялық институтының базасындағы IT академияның жұмысымен танысты. Сондай-ақ Цифрлық даму, инновациялар және аэроғарыш өнеркәсібі министрі Бағдат Мусин форумының қатысушыларымен, жергілікті тұрғындармен кездесті.

Ауқымды шара аясында Байзақ ауданында «Алель Агро» АҚ-ның құрама жем шығару зауыты, картон және қаптама шығаратын бірегей зауытының іске қосылу рәсімі өтті.

Халықаралық форумының екінші күні пленарлық отырыстармен басталды.

Жиынның ашылуында сөз алған Жамбыл облысының әкімі Нұржан Нұржігітов форумының аймақ үшін маңыздылығын атап өтті. Сондай-ақ ауқымды шара ең алдымен, өңірдің инвестициялық мүмкіндіктері мен өзара тиімді ынтымақтастықты, бизнес бастамаларды іске асыруға әзірлікті көрсетуге бағытталғанын жеткізді. Жамбыл облысы жоғары экономикалық және зияткерлік әлеует шоғырланған, қарқынды дамып келе жатқан өңір екенін айтқан аймақ басшысы өңірдің бес басты бәсекелестік артықшылығына тоқталып өтті.

— Аймақтың климаттық жағдайы қоңыржай континенталды, құнарлы жерлердің едәуір үлесімен қатар, «жасыл технологияларды» енгізе отырып, ауыл

түрлі түсті металдар, барит, көмір, колонер және техникалық тастар, құрылыс материалдарының да қоры жеткілікті.

Біз агроөнеркәсіптік кешенде, туризм, өнеркәсіп және баламалы энергия өндірісі салаларында жалпы сомасы 3,8 млрд АҚШ долларын құрайтын әлеуетті инвестициялық жобаларды әзірлеп, қызығушылық танытып жатқан инвесторларға ұсынуға дайынбыз, — дей келе Нұржан Нұржігітов облыс шетелдік инвесторлардың қатысуын кеңейтуге және аймаққа туристерді тартуға мүдделі екендігін баса айтты.

Басқосу қорытындысы бойынша 7 ірі шетелдік тауар өндіруші компаниямен меморандумдарға қол қойылды. Олардың қатарында Үндістан, Сингапур, Германия, Венгрия секілді мемлекеттердің инвесторлары бар. Шетелдік компаниялар Жамбыл облысы аумағында феррокорытпа, цемент зауытының құрылысы, құрылыс материалдарын өндіру, күн электр станцияларын салу, тамақ өнеркәсібі және логистика индустриялық паркі секілді жобаларды жүзеге асырмақ.

Форум аясында Жамбыл облысының әкімі Нұржан Нұржігітов бірқатар отандық және шетелдік компанияның өкілдерімен 20-ға жуық іскерлік келіссөз жүргізді.

Сондай-ақ облыс әкімі Нұржан Молдиярұлы консулдық корпус өкілдерімен жеке кездесті. Кездесуге Алматыдағы Иран Ислам Республикасының Бас консулы Мохсен Фагани, КХР Бас консулы Цзян Вэй, Бельгия Корольдігінің Құрметті консулы Ван ден Вейх қатысты. Тараптар екіжақты ынтымақтастық пен стратегиялық әріптестікті дамыту мәселелерін, елдер арасындағы сауда-экономикалық қатынастардың әлеуетін талқылады. Облыс әкімі өз кезегінде өңірдің инвестициялық мүмкіндіктерін тоқталып өтті. Консулдық корпус өкілдері Жамбыл облысымен әлеуметтік-экономикалық байланыстарды нығайтуға мүдделі екендіктерін жеткізді.

Форум барысында кәсіпкерлер үшін В2В кездесулер ұйымдастырылды. Кәсіпорындар арасында тауарларды жеткізу және серіктестік байланыстарды дамыту туралы келісімдерге қол жеткізілді. Оған облыс әкімінің орынбасары Қанатбек Мәдібек және шетелдік және отандық кәсіпкерлер қатысты. В2В форматында қол қойылған келісімдер мен меморандумдардың құны 96,5 млн долларды құрды. Сондай-ақ отандық кәсіпкерлер мен шетелдік инвесторлар арасында 17 стратегиялық келісім мен меморандум жасасуға мүмкіндіктер берілді.

Халықаралық ауқымды шараның қорытындысы бойынша жоғарыда айтылған жетістіктерден бөлек, өнімді экспорттау үшін жаңа нарықтар ашу, экономиканы әртарапандыру бойынша 6 компаниямен құны 42 млн АҚШ долларына тең келісімдер жасалды. Сондай-ақ отандық кәсіпкерлер мен шетелдік инвесторлар арасында 20 стратегиялық келісімдер мен меморандумдар жасалып, облыстың ауыл шаруашылығы саласы, туристік нысандары мен жер қойнауын пайдалану бойынша жаңа жобалар ұсынылды.

Саятхан САТЫЛҒАН,
Жамбыл облысы

Солтүстік Қазақстан облысындағы Шал ақын ауданында шенеуніктер шаруаны сергелденге салып, жерді жалға алу мерзімін ұзартпай жүр. Сыбайлас жемқорлыққа қарсы қызмет өкілдері мен кәсіпкерлердің құқықтарын қорғаушылардың бұл облыс бойынша осындай жалғыз жайт дегенге күмәнмен қарайды. Сол себепті өнді барлық ауданда тиісті тексеріс жүргізілмекші.

ЖЫРҒА
АЙНАЛҒАН

жер дауы

ЗАҢҒА КӨЗ ЖҰМА ҚАРАҒАН
Шал ақын ауданындағы Пришим ауылдық округінің аумағындағы жалпы көлемі 1000 гектар болатын үш жер телімі 2013 жылы «Темірханов» шаруа қожалығына уақытша жер пайдалану құқығымен 10 жылға берілген екен. Биыл 23 мамырда бұл мерзім аяқталды. Сондықтан шаруа заңда көрсетілген үш айлық мерзімді сақтап, алдын ала 16 наурызда eÜinish сервисі арқылы аудан әкіміне өтініш жолдайды. Онда мал шаруашылығымен айналысатын кәсіпкер дәл осы жер телімдерін жалға беру мерзімін ұзартуды сұрайды. Бірақ әкім-қаралар оның өтінішін уақытты қарамай, әлі күнге дейін созбалана салып жүр. «Көктемнің бір күні — жылға азық» дегендей, жер емген шаруа алтын уақытының өтіп бара жатқанын айтып шырылдайды.

«Жалға алынған алқаптың ішінде егістік жерлер бар. Онда біз малға жемшөп дайындаймыз. Аудандық әкімдік шешімді кейінге қалдырғандықтан, біз көктемгі егіс жұмыстарын бастай алмай отырмыз. Уақыт өтіп барады, топырақ құрғап жатыр. Егер мамыр айында көктемгі егісті бастамасақ, маусымда кеш болады, қыстығүні жемшөпсіз қаламыз. Кейін оны сатып алуға қаражат іздегіміз керек», — дейді «Темірханов» ШҚ инженері Қазыбек Темірханов.

Шаруашылықтың 400 шакты малы бар. 90-нан астамы — қазақтың ақ бас

біреуінің ғана мерзімі ұзартылатынын, басқасын жалға беруден бас тартатынын ауызша айтыпты. Бұл жер Бірлік ауылы тұрғындарының малын жаю үшін керек екен. Кәсіпкер бұған да келісіп, жерінің бір бөлігін ауылдың малын бағуға тегін ұсынған көрінеді.

«Бұл мәселе былтырдан бері туындап отыр. Қазір халыққа жайылым жер жетпейді. Бірлік ауылында 1,5 мың гектар жер тапшы. Президент те жайылым жерлерді көбейту туралы айтып отыр. Біз сол тапсырма бойынша ғана жұмыс жүргіздік.

Бірақ шаруаға кедергі жасап, мал бағуға, шөп шабуға тыйым салынбады. Ауылдың халқы сол жерді алып беруді сұрады. Бар болғаны — сол», — деді Шал ақын аудандық жер қатынастары бөлімінің басшысы Жеңіс Жақыпов.

Кәсіпкерлердің құқығын қорғау және сыбайлас жемқорлыққа қарсы іс-қимыл жөніндегі кеңестің төрайымы Инесса Қуанова мәселенің барлығы заң аясында



Жер пайдаланушы Темірханов жер учаскесінің шекаралары өзгермеген және жер пайдаланушы өз міндеттерін тиісінше орындаған жағдайда 10 жылдан 49 жылға дейінгі жаңа мерзімге жалдау шартын жасасуға құқылы. Шаруа салығын уақытылы төлеген, шекарасын өзгертпеген. Мұндай жағдайда мәселе жер комиссиясының қарауына шығарылмайды, ауылдық округ әкімі шешеді. Өтінішті қанағаттандыру үшін ешқандай кедергі жоқ.

шешілу керектігіне назар аударды. Эксперт шенеуніктер шаруаға кедергі келтіріп, бюрократияға жол бергенін қадап айтты. Ақыр соңында жер қатынастары бөлімінің басшысы маман жетіспегендіктен, тиісті қаулы уақытты қабылдаған-бағанын, бірақ құжаттың жобасы дайын екенін айтып ақталды. Өтінішті қараудың 15 күндік мерзімі әлдеқашан өтіп кеткені мемлекеттік қызметшіге абырой өперке қоймасы хақ.

Сондай-ақ жангерлер жаңа келісімшарт жасасқан кезде жердің шекарасы өзгермеуі керек екенін түсіндірді. Тіпті, жерінің бір бөлігін ауыл халқына берген күннің өзінде шекарасын өзгертпей, басқа жолмен шешуге кеңес берді.

АНТИКОР НЕГЕ ҰЯЛДЫ?

Танқаралығы сол жыл басынан бері Сыбайлас жемқорлыққа қарсы іс-қимыл департаменті осы бөлімнің жұмысындағы жемқорлық тәуекелдеріне талдау жүргізіп, бірқатар ұсыным берген екен. Сол кезде жерді жалға беру келісімшартының мерзімін ұзарту туралы да мәселе туындапты. «Сонда сіздерден бұл мәселе жер комиссиясының қарауына шығарылмайды, шығарған емеспіз, барлық ұсынымдарды орындап жатырмыз деген жауап келді. Бірақ наурыз айында біздің ұсынымдарға

Жүнісов осындай жағдай қалыптасқаны үшін ұялып отырғанын жасырмады. Анतिकордың ұсынымдарына Шал ақын ауданының жергілікті атқарушы органдары шын мәнінде қағаз жүзінде ғана есеп берген болып шықты.

Сонғы бір жылдың ішінде кәсіпкерлер палатасында мұндай мәселе осымен үшінші рет қаралып отыр. Кеңестөрайымы Инесса Қуанова мемлекеттік органдар Президенттің тапсырмасын желеу етіп, заңды жиі бұзатынын айтты. Тіпті, жер жалдау мерзімін ұзарту сияқты қарапайым ғана жұмыстың өзі сонғы кезде солтүстікқазақстандық кәсіпкерлердің кәдімгідей бас ауруына айналып отыр.

СҚО кәсіпкерлер палатасы директорының орынбасары Жеңіс Қазиев шенеуніктердің құзыреттілігінің шектеулі болуы шаруаны кәдімгідей сергелденге салғанын қадап айтты. Жеңіс Абайұлы бұл жайта, басқа да аудандарда болатынына назар аударды. Сондықтан прокуратураға және жер инспекциясына осы мәселені зерделеп, тексеріс жүргізу және кінәлерді жауапқа тарту туралы ұсыным жасалды.

Роza ШӘКЕН,
Солтүстік Қазақстан облысы

